

Samningur

mennta- og menningarmálaráðuneytis

við Háskólafélag Suðurlands ehf – Þekkingarnet á Suðurlandi

um ráðstöfun rekstrarframlags í fjárlögum

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Háskólafélag Suðurlands, kt. 650108-0350, í samningi þessum nefnt HfSu, gera með sér svofelldan samning.

1. Markmið og starfsemi

1.1. Meginmarkmið með samningi þessum eru að:

- bæta aðgengi íbúa Suðurlands að námi
- stuðla að auknu samstarfi og samþættingu menntunar, rannsókna og fræðastarfs.
- reka tímabundin átaksverkefni sem stuðla að byggðapróun og nýsköpun á starfssvæði HfSu.

1.2. Starfsemi

- *Fjarnám.*
Vera með fjarnáms- og kennsluaðstöðu á nokkrum þéttbýlisstöðum á starfssvæði HfSu eftir því sem þörf er á og fjárhagur leyfir og veita nemum á framhaldsskóla- og háskólastigi þjónustu t.a.m. með miðlun fjarfundakennslu, fjarprófahaldi og með því að halda úti les- og vinnuaðstöðu fyrir fjarnema. Þróa námsleiðir og/eða námskeið á háskólastigi í samstarfi við háskóla, sérfræðinga og þekkingarsetur á svæðinu. Vinna með háskólum að bættri þjónustu við íbúa í formi fjarkennslu og staðbundins náms.
- *Rannsóknir og þróun.*
Hafa frumkvæði að rannsóknar- og þróunarverkefnum sem byggja á sérstöðu í náttúrufari, atvinnulífi og/eða menningu svæðisins og eru til þess fallin að efla byggð, og/eða samstarf sérfræðinga og annarra þekkingarsetra á svæðinu um slík verkefni. Taka virkan þátt í faglegri umræðu um þróun rannsókna og háskólastarfs. Vinna með sérfræðingum og þekkingarsetrum á svæðinu að þróun verkefna og stefnumótun háskóla- og rannsóknarstarfs. Aðstoða fræðimenn við að koma á tengslum og útvega sér aðstöðu.
- *Net þekkingar á Suðurlandi.*
Leiða vinnu við þróun þekkingarnets á Suðurlandi sem miðar að samhæfðri starfsemi staðbundinna þekkingarsetra annars vegar, og HfSu og Fræðslunetsins hins vegar.
- *Átaksverkefni til byggðapróunar.*
Vinna að framgangi klasa til styrkingar grunnstoða samfélagsins. Byggja á - styrkleikum svæðisins og vinna með lykilaðilum á því fræðasviði sem tekið er fyrir á hverjum tíma.

2. Forsendur sammings og lagaheimildir

- 2.1. Framlag ríkisins til sammings þessa er ákveðið í fjárlögum hvers árs og er það 15,6 m.kr. árið 2014.
- 2.2. Ráðuneytið annast samskipti aðila vegna sammingsins við fjármálaráðuneyti og Alþingi. Það mun beita sér fyrir því að árlegt framlag til sammingsins verði í samræmi við gr. 2.1. með fyrirvara um að HfSu standi við skuldbindingar sínar. Gerður er fyrirvari um að stjórnvöld kunna að ákveða aðhaldsaðgerðir við samþykkt fjárlaga og á HfSu kröfu á ríkissjóð eða rétt á bótum þótt framlag til sammingsins verði lækkað eða fellt niður.
- 2.3. Verði gerð umtalsverð breyting á fjárveitingu til sammingsins í fjárlögum taka aðilar upp viðræður um aðlögun rekstrarins að breyttri fjárveitingu.
- 2.4. Framlag ríkisins skv. samningi þessum tekur breytingum samkvæmt verðlagsuppfærslu fjárlaga hvers árs.
- 2.5. HfSu starfar samkvæmt samþykktum, síðast breytt á aðalfundi 6. júní 2013.
- 2.6. HfSu starfar í samræmi við lög og reglugerðir sem gilda um umsamda starfsemi og verkefni, en einnig, eftir því sem við á: eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.

3. Ábyrgð styrkþega

- 3.1. HfSu ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. HfSu skal geta lagt fram gögn og skýrslur þessu til staðfestingar, sé eftir því leitað.
- 3.2. HfSu ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 3.3. HfSu er óheimilt að:
 - 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um sammingsveð nr. 75/1997.

4. Upplýsingar, samskipti og eftirlit vegna fjármála

- 4.1. Ráðuneytið greiðir árlegt framlag sem hér segir:
 - 4.1.1. Í tólf jöfnum hlutum og er miðað við að greiða fyrsta dag hvers mánaðar. Greitt er inn á bankareikning í viðskiptabanka HfSu.
- 4.2. HfSu skilar ráðuneytinu:
 - 4.2.1. Áætlun um rekstur og sjóðshreyfingar ásamt starfsætlun, þar sem fram komi m.a. hvernig er áætlað að ráðstafa framlagi og helstu starfsmarkmið sem unnið verður að, fyrir lok janúar ár hvert.
 - 4.2.2. Endurskoðaðan ársreikning ársins á undan með skýringum, fyrir lok júní ár hvert.
- 4.3. Eigi HfSu í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda hans, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

P.S.
255

5. Upplýsingar , samskipti og eftirlit vegna verkefna

- 5.1. Ráðuneytið hefur eftirlit með framkvæmd samningsins.
- 5.2. Fulltrúar ráðuneytis og HfSu funda að lágmarki árlega um samninginn.
- 5.3. Fyrir lok júní skilar HfSu ráðuneytinu greinargerð um framkvæmd samningsins, hver staða verkefna er og hvernig framlagi var ráðstafað í samanburði við áætlun.
- 5.4. HfSu skilar ráðuneytinu upplýsingum sem það kallar eftir vegna opinberrar upplýsingagjafar.
- 5.5. HfSu veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálf eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta, þar á meðal fundargerðum, skrám, fylgiskjölum, skýrslum, bókunum og bréfum.
- 5.6. Samning þennan, ársreikning HfSu, greinargerð um framkvæmd samnings og úttektarskýrslur skal birta á vef HfSu jafnóðum og þessi gögn liggja fyrir. Ráðuneytinu er heimilt að birta gögnin á vef sínum.
- 5.7. HfSu setur á vefsíðu sína ýmis gögn sem eru efnislegar afurðir verkefnisins, svo sem skýrslur, leiðbeiningar og áætlanir.


6. Vanefndir og meðferð ágreinings


- 6.1. HfSu tilkynnir ráðuneytinu tafarlaust ef það telur vafa leika á um að það geti uppfyllt skyldur samkvæmt samningnum. Jafnframt greinir stofnunin frá úrræðum sem hún hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli HfSu ekki skyldur sínar samkvæmt samningi þessum.
- 6.3. Samningsaðilar munu leitast við að jafna ágreining, ef einhver er, sín á milli.
- 6.4. Dómsmál sem rísa kann út af samningi þessum skal rekið fyrir Héraðsdómi Suðurlands.

7. Gildistími og lok samnings

- 7.1. Samningurinn gildir frá 1. janúar 2014 til 31. desember 2014.
- 7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnileg rök. Endurskoðun skal þá hefjast svo fljótt sem verða má.
- 7.3. Samningsaðilar munu semja um áframhaldandi samning fyrir lok desember 2014.
- 7.4. Óski annar hvor aðila eftir að segja samningnum upp skal það gert skriflega með þriggja mánaða fyrirvara
- 7.5. Samningur þessi er gerður í tveimur samhljóða eintökum og heldur hvor aðili eintaki.

Selfossi, 23. júní 2014


Þórarinn Sólmundarson
Mennta- og menningarmálaráðuneytinu


Sigurður Sigursveinsson
Framkvæmdastjóri Háskólafélags Suðurlands